

南陵縣志卷四十六

金石志

明

明武科會館碑記

夫保大定功以文詰奸戢亂用武曷言乎古稱鷹揚蹈厲則昔都兪吁咈人耳卽吾師談詩書說先王云軍旅未之學至郤萊兵揮熒惑肅清厯階間則偶然耶頃自文武二途國家詔三年大比士竣令所在舉試武云顧籍逢掖者羣之類序如工有肆閑輿襲珍業有定止武第如期具集耳未有先事講肄者籍甯令猿臂扛鼎之

南陵縣志 卷四十六 金石

一

夫決拾不理懷奇蘊英之子方技未嫻亦胡恤於緩急矧曼胡纓而寄帷幕耶予不腆無能役竊念文事武備僉有司事右文崇秩武顧弁髦視卽胡以當令甲練虎膺頃緣稍迪丙子偕計進者數人爰謂無會無課無館無會方用是軫乃多士倡義鳩工輸材飭匠不閱月館成則復申言不佞因諗爾多士曰夫館成之謂何曷茲念詩稱兔置之夫干城腹心寄之則武可獨薄哉爾多士毋以免宜委曩患業不時課今會有常課曩會集無所今館有定會會矣館矣卽揭竿褰旗之略不著綦鞬鞭弭之術不講則胡以疚夫蹈水之道熟於習承蜩之

技成於專解牛之刀神於巧且昔也紀昌學射於飛衛具有成訓在也毋亦是念哉不則文士且頽顏嫺之矧以擗管登壇令千人自廢卽棄繻請纓終虛語耳不佞蓋懼之矣

右記明萬曆七年知縣林鳴盛撰文碑石久佚從徐志藝文錄補

明太學會館碑記

太學會館碑記

賜進士出身文林郎知南陵縣事林鳴盛撰

董江都策事庭下以建太學爲言謂爲才士之府云國

南陵縣志 卷四十六 金石

二

家右文設國子生命曰國學至厚矣今上修其故綱紀其典則推就擇其修正者作之師彌嚴也不佞以文學起家幸而在事敢不夙夜樹之敦哉大都預文事者靡不悉心圖之歲在戊己之間則太學生會館告成矣先是余承乏來穀見諸生謁予則彬彬如迄三年所又率重名檢杜私謁絕侈習竊私心異之念逢掖藉膠序間業構閣聯號舍肆課卽次朝夕譽髦得矣獨太學諸生索羣星漫如無席地何且諸生抱璧握瑜卽無論科名間受一命司牧社亦斬樹勳策奇矢心而願效之天子者不啻穎脫然迺不離環堵僅僅抱專門習卽胡以考

德而視成也諸生聞之不予忤己爭自拔濯以召同聲故各輸所貯有茲館云適落成不佞竊敢號於眾曰夫館之設也胡以謂哉蓋聞蘭在澤則芳珠聚浦則明夫諸生者家握芳洲之蘭人懷合浦之珠也羣之館而處也仍以規過而砥德績志而聯趨通之休戚之關而資啟翼之助他日賢科高第且與膠序士比肩接武不者爲良有司廉牧貳職自斯講明造就之矣所願矢心而效之天子者殆無負乎予每與諸生譚及此輒奮勇騰驤故館成易易然知必朝斯夕斯不予棄矣其薰德也奚啻芝蘭之室而爲名世也又胡讓照乘之珠哉諸君

其勉旃今天下於文章之道亦厖厖耳論者謂文盛輒欲抑之是苛論也是妒文也此則爲天下大計言也此則不佞所謂固者也抑茲館之成也陳生一言張生維陸張生茂蕙王生尙志管生鵬戴生天祥陳生萬言劉生標楊志作標實董其事例得書

右碑在玉帶橋西高□尺□寸廣三尺二寸七分二十□行行□十□字正書徑一寸厖存上截漫漶不可讀從徐志藝文錄補額題太學會館記五字橫列篆書徑四寸九分萬歷七年立

明雙湖何公碑記

公諱漕字太州雙湖其號也 嘉靖甲午十二月十六日卯時生 隆慶己巳三月二十三日未時卒年僅僅三十有六人皆以仁者不壽惜之性孝友樂善喜施不營營勢利有古逸民風厥配崔氏敬事如賓方疾篤泣與之誓曰脫有不諱之死靡他果而偕副室姚氏苦節終其身尤不忍違公咫尺下地於宅之東捐金百餘募工運石砌三壙葬公於其中虛兩傍待未亡焉前華表後羅城左右欄楯刊古節孝狀以自勵且以愧世之婦人女子懷二心者時公無子立孫應圖主其祀族有利其財者欲瓜分之質之

邑侯 熊侯問鄉士大夫及耆老僉云先是善人何翁晞艱於嗣得猶子楊溪君爲後擴土宇振家聲翁之潛德益光仍每夕焚香祝天錫翁胤已而果生公愛不啻同胞分產甚均則公之有今日秋毫皆楊溪力也合立其次子文傑侯以是爲公議從之越壬午歲族又質之邑侯 沈及推府呂均以崔鍾愛應圖仍令與文傑並立焉亦律例也當是時事生則崔氏膝下之權承事死則公泉下之靈慰矣余故爲之誌其槩銘之墓左云

銘 壯哉石城 砥柱一方 公居中曠

曰 虛其兩傍 妻妾合葬 節義成雙

此人此石 萬古流香

賜進士第南京戶部員外郎許夢熊 拜撰

皇明萬曆庚辰歲仲春 吉日

孝婦崔氏

姚氏

男 何文傑 孫應圖謹誌

右碑在阮村渡何家巷口高四尺一寸七分廣一尺九寸六分十四行除擡頭每行三十九字正書徑八分額題雙湖何公碑記六字橫列雙鉤篆書

南陵縣志 卷四十六 金石

五

徑二寸五分萬曆八年立

明學田碑記

國家置膠序業餼雋自公矣其復田何給之法外詔臚也趙宋之肇也則置睢陽石鼓嶽麓白鹿四書院然必田焉優矧茲宮牆各羣乃逢掖將以論秀獻天子顧其養缺焉謂師帥何我穀介江壖值昭代文明之會彼都人士樊然握龍蛇懷卞璞第故無田何以贍供濡涸即無士無士無學伊疇之疚不佞爲是惴惴咨諸所涇曠業次第葺構凡隱射絕贅畛則歸之學云今總有圖掌攝有寄紀應有紀庶以勒永業垂裔緒林子曰繫田獨

農夫事事哉記序儒行必禮耕義種子與氏論施守也

曰舍己之田而耘人之田則曷以謂藉第令聯隊逐伍優游菁莪糜費餒需乃神明阡畊莽焉恣蔓萑葭莫之擢祓則蓬土也毋亦有辜蓋孤莊生曰耕而鹵莽之則其實亦鹵莽而報予芸而滅裂之則其實亦滅裂而報予至深耕熟耰則禾繁以滋而厭食終歲多士毋亦是軫令經術穰穰庶毋有司羞夫有司不多士急令諸士無所則有司鰥若多士不有司效則勞勞夏畦戮肢憊體以供我何爲哉豈第羞有司卽什一農夫赭顏詬之矣尙曷之哉他諸所俱列下方庸特申諗多士云

南陵縣志 卷四十六 金石

六

右記明萬曆間知縣林鳴盛撰文碑石久佚從徐

志藝文錄補

明學田書序碑

學田書序

賜進士出身文林郎知南陵縣事林鳴盛撰書

夫學之有田何爲也所以敦課贍業瘠貧軫匱如斯而已者也蓋聞□□□□羣師儒而□□百爾仰給有司不曲爲之所旣以考德而問業今□□從事與凡宮牆之類□者公需之支應者諸生之嗷嗷而待餒者壯不昏□喪不葬者聽其展轉咨歎與凡民

等則

國家所以厚士者何若而至若斯也不佞竊爲是鯁鯁計無已迄五載而茲田就業剛之石矣復顛之帙云大都田之制有三自羨帑置者則達之

府其諸隙沴隱射或豪家侵噬或罪辟沒入者則兩臺相聞各不一而總名之曰學田田以學建也嗟夫子之爲斯田也念爲諸生謀不朽矣出入收散諸總總有條矣董之有人籍之有簿或庶幾哉永無弊乎然安知夫歲月久則蠹生張弛曠則奸起若名爲公田實歸私橐縱漁獵之圖而人饕餐之計者是余

南陵縣志

卷四十六

金石

七

之疾也夫

萬曆庚辰歲首夏吉日

南陵縣縣丞鄭廷元主簿高鈺典史岑佩儒學訓導謝甯祿林敦忠立

右碑在文廟東首高四尺五寸廣二尺四寸八分十五行除擡頭每行二十九字正書徑一寸二分萬曆八年立

明籍山亭碑記

余解褐宰南陵始至周觀形勝詢訪遺事蓋知邑治東北有籍山遺址云吏事稍暇乃究尋土脈委絡蓋南陵

山祖系於九華而工山高數千丈崔嵬巖辟固其大宗也自去工山蜿蜒而析支分幹則朗陵祿嶺水龍了山黃山等列其西南射的馬仁石潮黃連石音梅花之屬環其西北鷲嶺呂山擁其南而東南有神龍山千堆山由西南而遶邑治東北爲籍山余觀籍山陂陀逶迤儲精聚氣龍馳且百里而止結於斯殆所謂主山歟然麓址雖存而鐫削之餘不勝其敝余感而惜之語人曰夫山之有表裏猶人之有臟腑腎胃肩背臂指也羣山四面峯嶺繚繞於外而茵席帷帳間顧俾之蕪穢是壯其標而弱其本也何以稱名區奧壤哉且籍者席也縣治

南陵縣志

卷四十六

金石

八

儒學惟籍山焉依地靈人文雅相符合今也擯其所依而障蔽疏薄欲以宣茂明之猷毓圭璋之彥難矣於是覆土植木更漏鼓之樓以成臺崇而表之因名籍山亭匪直爲榮觀將俾蟠紆鬱鬱而風沴不入生氣彌衍古昔陟嶽降原相土營邑審陰陽向背之別擇位署堂構之宜揆卜而墨食者皆是物矣夫經紀山川保有形勝撫疆宇者之責也培山濬川生衆教訓有司承流之務也余不敏思貽永圖姑覆一簣以俟後之君子

右記明萬曆間知縣沈堯中撰文碑石久佚從徐志藝文錄補

明風節擎空碑

萬曆十一年歲次癸未仲冬上浣□□

風

節

擎

空

進士第□南陵縣事嘉禾沈堯□□

右碑在塔上分四石高二尺五寸風字空字廣一尺八寸節字擎字廣一尺六寸正書直徑一尺八寸前後年月銜名二行正書徑一寸三分萬曆十

南陵縣志

卷四十六

金石

九

一年立

明通縣圩堰碑記

通縣圩堰碑記

直隸甯國府南陵縣爲圩垸功完乞定規則以備早勞以垂永久事照得□縣田地高鄉拾肆低鄉拾陸高有都塘等垸_{缺下}年無收次年尙可復種獨低鄉窪下如釜然又微甯池叁郡之水皆由□縣從蕪湖以入於江微甯池既居上流如□□而□□□湖臨_{缺下}爲內水先年外有大垸內無私圩故來有所限而去無所壅及後外垸頽廢土人各自

爲計漸有私圩外垸廢則其來也□□□興則

_{缺下}沙腹裏時積水百姓委於不救坐困而不爲

之所且又壹槩起科催徵如故小民逃竄里甲包

□蓋□陸拾年餘矣_{缺下}本府詳批如議轉詳

院道候札示行繳又奉

欽差整飭徽甯等處兵備兼理錢糧驛傳江西提刑按

察司副使程 批發稻修築圩堤且寓賑濟之法

亦救時善政也_{缺下}

巡按直隸監察御史陳 批縣官初任留心民事如

此舉此心以修築必有一勞永逸之實效矣該府

南陵縣志

卷四十六

金石

十

卽行縣於前_{缺下}

欽差總理糧儲提督軍務兼巡撫應天等府地方都察

院右僉都御史孫 批據申石 等垸既經該縣

勘應修築_{缺下}丘廷璋等照田起夫照夫給糧又行

勸募補助不足先將小塘等垸築有柴分工力旋

以農忙暫行停止本_{缺下}成熟如源潭湖青蒿湖等

處永難開墾議作草田每貳畝析壹畝減半起科

隨又趁時興工築上義豐下_{缺下}潰眾垸不□萬曆

十年正月間帶同原管省祭圩首將小塘等垸逐

一量算隨將本圩夫及附近圩夫分_{缺下}

朝復任又行踏勘各量地勢修建石陡門石岸石函共

壹百壹拾捌所隨又給發義稻悉令開墾本年陸

月缺下泛勞費無已□造石堰壹所攔絕水路上得

以分入支河而旱為有備下不致衝瀉奔突而□

亦缺下有常而諸圩之修築不能必其有常苟非定

立規則督委專官年加修補歲歲報工仍恐水勢

漸缺下幫助或止本圩自行修築或高低有限各立

定規每年春初行委主簿專管踏勘除了兒港□

□□□□□□□□□□其餘□照缺下縣量給

飯米毫不擾民勤而且公終始如一似行重獎以

南陵縣志 卷四十六 金石

十二

勸將來所立規則逐一開後合無□□□□□□

□刻以便遵守以垂缺下照詳明示遵奉施行

計開

縣東圩壩

石父壩邊河東埂□高叁丈闊肆丈長壹千

貳百弓本壩係高□去處係自修無□□

小塘壩今名新豐圩邊缺下

上義豐圩邊河東埂上壹段高叁丈闊捌丈

下壹段高貳丈伍尺闊柒丈長壹千陸百玖

拾弓 下義豐圩上壹半邊□□□貳

丈伍尺缺下

下義豐圩下一半邊河東埂高壹丈捌尺闊

柒丈長陸百叁拾捌弓新建上石陡門壹所

本壩係邊小河亦自修無協助姚□□□內

□□上新缺下

東義興圩週圍埂高壹丈伍尺闊貳丈石函

壹所蔣郎壩在內 周塘壩週圍埂高貳

丈闊叁丈中石陡門壹所 孟太壩□圍

埂高壹丈□尺缺下

西義興壩週圍埂高壹丈闊壹丈叁尺

南陵縣志 卷四十六 金石

十二

上易埧週圍埂高壹丈伍尺闊柒丈下石陡

門壹所 李陽壩週圍埂高玖尺伍□闊

□□石缺下

下陽東壩週圍埂高壹丈闊貳丈下石陡門

壹所 慶豐圩週圍埂高壹丈伍尺闊柒

丈□上石陡門壹所北下石陡門壹所

□□壩週圍缺下

下陽西壩週圍埂高柒尺闊壹丈伍尺石陡

門壹所 義興壩週圍埂高貳丈伍尺闊

叁丈中石陡門壹所 新建圩週圍埂高

壹丈□尺缺下

袁豐圩週圍埂高壹丈伍尺闊貳丈伍尺下

石陡門壹所 中心壩週圍埂高捌尺闊

壹丈捌尺中石陡門壹所 朱家□週圍

埂高□丈貳尺闊□丈貳缺下

天順壩週圍埂高陸尺闊壹丈叁尺石函壹

所 張興圩週圍埂高壹丈貳尺闊貳丈

肆尺下石陡門壹所 焦家壩週□□□

柒尺□□□□□□□壹缺下

自下義豐圩起至下義興壩止共貳

拾玖圩壩附近小塘上義豐貳壩利

害共之今議諸圩除每年自修外每

遇辰戌□□□□□□□幫築缺下

柿樹壩邊河東埂高貳丈肆尺闊肆丈伍尺

熊寶圩邊河東北埂高壹丈零伍寸闊

叁丈伍尺下石陡門壹所

縣東北圩壩

沿觀渡下散募圩邊河東埂高貳丈闊貳拾

丈上石陡門壹所新建石水竿壹所 上

散募圩上壹半週會埂高壹丈伍尺□捌丈

上新圩缺下

方家壩週圍埂高叁丈闊伍丈下陡門壹所

寶豐圩週圍埂高叁丈闊壹丈伍尺中

石陡門壹所 董家壩週圍埂高貳丈闊

叁丈石函壹所缺下

八石壩週圍埂高壹丈伍尺闊叁丈伍尺石

函壹所 蓮紫壩週圍埂高伍尺闊肆尺

伍寸石函壹所 上圩

□□□□丈圩腹內缺下

王家壩週圍埂高叁丈闊貳丈石函壹所

袁寶圩週圍埂高壹丈貳尺捌寸闊壹丈

壹尺伍寸下石陡門一所 管家□週圍

□□壹□壹尺闊□丈壹尺缺下

野場圩週圍埂高壹丈零伍寸闊叁丈伍尺

上石陡門壹所 染浦圩週圍埂高壹丈

壹尺闊叁丈貳尺中石陡門壹所 □壩

□□□□壹丈□尺缺下

伴塘壩週圍埂高壹丈貳尺闊叁丈石函壹

所 熊公圩週圍埂高捌尺闊叁丈貳尺

上石陡門壹所 古埠圩週圍□□□□

□□□寸□□丈壹□□□石□門壹_{缺下}

灰圩週圍埂高壹丈捌尺闊叁丈伍尺下石

陡門壹所 什浦圩週圍埂高壹丈叁尺

闊伍尺下石陡門一所 學壩□□□□

□□□□□□□□石陡門壹所 南壩

_{缺下}

合壩週圍埂高玖尺伍寸闊叁尺下石陡門

壹所 殷家壩週圍埂高壹丈闊叁丈下

石陡門壹所 魁湖圩週圍埂□□□貳

尺□□□上石陡門壹所 奎湖口埂_{缺下}

南陵縣志 卷四十六 金石

十五

流□□週圍埂高壹丈闊陸尺伍寸中石陡

門壹所 新圩週圍埂高壹丈壹尺闊貳

丈貳尺中石陡門壹所 李家□□□□

□壹丈壹□□□貳□□石_{缺下}

林都圩中壩中埂高壹丈貳尺闊叁丈伍尺

下石陡門壹所 九牛湖週圍埂高壹丈

闊貳丈上石陡門壹所 邊圩□□□□

□□埂高□□□□□貳尺_{缺下}

□家壩週圍埂高陸尺闊壹丈伍尺石函壹

所 李袁壩週圍埂高捌尺闊壹丈石函

壹所 金獅都圩邊河西埂高□□□□

□□□貳尺□□□□所_{缺下}

□興壩週圍埂高柒尺闊玖尺 新興圩

週圍埂高壹丈柒尺闊肆丈下石陡門壹所

長清壩週圍埂高貳丈闊叁丈□□□

□□□□□□□□丈□□丈捌_{缺下}

上洲壩週圍埂高壹丈貳尺闊壹丈伍尺東

石陡門壹所石函貳所 方家灘壩週圍

埂高壹丈闊伍丈 開花壩週圍_{缺下}

回回壩週圍埂高壹丈貳尺闊壹丈肆尺石

南陵縣志 卷四十六 金石

十六

陡門壹所 張興本壩週圍埂高壹丈闊

貳丈壹尺內石陡門壹所 上橋壩□□

□□壹丈貳尺_{缺下}

福壽壩週圍埂高貳丈闊貳丈柒尺石陡門

壹所 沈家壩週圍埂高伍尺□柒尺北

石函壹所 張家壩週圍埂高柒尺□□

□北石函壹所 梅_{缺下}

丁鵲壩週圍埂高壹丈柒尺闊叁丈北石陡

門壹所 丁家壩週圍埂高壹丈闊貳丈

內石陡門壹所石函貳所 謝家壩□□

□□壹丈貳缺下

張興埤週圍埂高壹丈闊壹丈肆尺石陡門壹所 鄧村壩週圍埂高貳丈闊壹丈伍

尺 上下何家壩週圍埂高壹丈叁尺闊

□□□尺內缺下

大理灘埤週圍埂高壹丈叁尺闊叁丈貳尺

內石陡門壹所尺函壹所 鮑家壩週圍

埂高壹丈闊貳丈內石陡門壹所 □□

□□□□□高缺下

上下長灘壩週圍埂高壹丈叁尺闊叁丈貳

尺石函壹所 徐家壩週圍埂高壹丈闊

貳丈內石陡門壹所 陶漣埤週圍缺下

大塘埤週圍埂高壹丈伍尺闊叁尺石函壹

所 柿□埤週圍埂高壹丈捌尺闊伍尺

石函壹所 □插埤週圍埂高壹丈缺下

老埤週圍埂高壹丈捌尺闊肆尺石陡門壹

所石函壹所 尖刀壩週圍埂高柒尺闊

陸尺石函壹所 陶家壩週圍埂高缺下

以上圩埤壩共柒拾捌處係腹內小壩

離□塘沿□等處已遠每年各自修築

免其幫助

開過水路 一洋湖壩裘家壩楊家壩係瀉

水咽喉水不許築 一

管家壩原有瀉水官港本

壩不礙水路但沿岸不許

蓄莽樹缺下

一丁兒港壩議定高陸尺闊壹

丈伍尺上水不許挖損本

壩不許增益 一都塘

壩本年四月間築完石堰

名曰萬缺下澆灌李潛燈田

上又分一支入柴家橋流

入官港閘壩入李家大壩

澆灌謝劉潘家李俞朱張

併袁渭秦有望戴缺下胡家

前北去潘棠樂等田上一

支東入謝家墳並潘佐□

□朱脩丘木明田上壩□

本溝一支分過口前及李

陳缺下分水一支入姚王門

前到蒲橋殿後止一支分

周章併邵家□止首一支

獨入周瑞等田止一支分

入低□西去□□□魯

□田上_{缺下}支分入地名□

湖嶺魯河等田止一支分

入姚家門前朱家後□王

魯秦輔等田止一支分入

長園前西去□朱□等田

止一支分朱_{缺下}去王家大

門前徐材田止又分去秦

謝方等田止又分一支過

東入秦□汪等田止又分

北去秦□□□田止一□

西_{缺下}

又本堰上通涇太等處私販木商

不由大河報稅往往魃夜從本堰

拖過從小河出江不惟損堰病民

□□□□病國□□禁許容地

□□□□堰庶得永久_{缺下}

本府詳批據議甚妥仰候 撫按兵道詳示行

繳 又奉

欽差整飭徽甯等處兵備兼理錢糧江西提刑按察司

副使周 詳批據議立規則以固圩壩築石堰以

分水利□南陵_{缺下}

巡按直隸監察御史張 詳批該縣留心民事所築

圩壩高下得宜旱潦有賴至于每年修築之方增

益之度皆鑒鑒可□也_{缺下}

欽差總理糧儲提督軍務兼巡撫應天等府地方都察

院右副都御史王 詳批刊刻規則通融修築及

砌石限水俱如議行管工_{缺下}

萬曆十二年 月上浣吉日

賜進士出身文林郎知南陵縣事嘉禾沈堯中立 督

圩縣丞章玄 主簿徐良輔 典史鍾九功 管

工省祭施廷_{缺下}

右碑在縣署頭門外高□尺□寸廣三尺八寸六

十九行除擡頭每行□□□字正書徑五分下段

殘泐額題通縣圩堰碑記六字橫列篆書徑三寸

萬曆十二年立

明重修何孝廉廟碑記

宇內海嶽之神靡不以興致雲雨蕃育品彙爲職矧又鍾間淑毓靈秀生爲孝子歿爲明神以潛孚幽贊於其間則其神增而靈而其澤宏以遠按志有何孝廉廟舊在工山之顛傍有龍池潛生神物旱而禱其祠可以卜雨顧崎路盤迴登者至於不成步一夕公顯靈於柿樹潭石上有人馬跡鄉人益神之乃卜築其下歷代崇奉舊傳帝命神女諧伉儷至元封爲廣惠王一切旱暵災疫是惟無禱禱而響答萬厯庚辰余握符蒞陵陵故苦潦甫下車默禱於公之行祠明年歲有秋民用康阜越癸未旱余心孔疚夙夜皇皇或告以龍池可禱且陳其

南陵縣志

卷四十六 金石

二十一

故余於是齋戒從事已而果雨旋憩於廟中仰瞻神像則露居而土立四壁蕭然不蔽風雨乃召鄉父老詢之曰公庇若民物乃其廟圯若此獨無能爲公計歟眾皆稽首曰願也願力不逮余曰若鄉之祀公幾何曰鄉有賽會歲舉於六月朔舉若干緡與會者計三百餘家公固無藉於賽民之心藉以少慰余因詰之曰若輩賽會以昭報於一日孰與修廟以安神於百世乎僉曰惟命於是議罷一賽釀其直鳩工聚材筮日經始眾又跽余請曰廟始於晉屢建屢燬或其方輿不正神靈不妥以至於是願公審諸余乃命駕登山徘徊相度更其向址

後憑七女山中高兩下宛如寶蓋因名寶蓋山右有工山插如旗戟左有花山蟠如龍虎龍池而下溪澗雜沓俗名九龍水悉環其前余指示父老躍然喜曰可矣遂命公裔孫何度何正本何夢麟何正人及耆老葉湛淩瑜董其事事竣乞余爲記遂次其事鐫於石因歎曰山川匪神弗靈神匪山川亦弗靈海內如十洲五嶽可考鏡也已況生於斯聚於斯顧弗重歟世有病堪輿之說者是歧山川與神而二之者也詩云惟嶽降神生甫及申書曰望於山川徧於羣神嗚呼重山川則知重神矣

右碑明萬厯間知縣沈堯中撰文碑石久佚從徐

南陵縣志 卷四十六 金石

二十二

志藝文錄補

明新建龍會橋記

南陵縣龍會橋成是役也始於甲申之春迄冬告成擢勞均力咸有經紀蓋南陵爲吾郡屬邑去郡九十里當山水之間居然一隩區也顧地勢南高北下高則易淤下則易洩風氣漸以不古今上八年沈侯來尹茲邑周覽山川博詢民俗得邑治東北一里外有谿其源有二一由縣西三十里工山龍池出泉遶縣西北而入一由縣南六十里水龍洞出泉遶縣東南而入異源同流俱匯於斯形家言溪上宜建橋梁歲饑未遑舉比侯入覲

回從士子請移學宮乃聚財鳩工三閱月而竣復以餘力培籍山補文峯主者仍報羨若干會士子以橋請侯歎曰學宮堂奧也溪梁局鑰也堂奧尊而局鑰不固奚益柰功鉅何乃集父老鄉大夫士議僉曰倘得經始費不貲必有好義者出而應焉侯命主者仍督其事復以兩僧道募於橋所募不足則以義穀濟猶恐緣而生姦於是科罰有戒告獻有戒主者亦竭心力日暮從事顧溪水春漲冬涸漲則艱於下水涸則艱於運石蓋兩難之侯乃齋沐虔禱幸雨暘時若得以按時舉事架石爲梁下空五洞直跨一百六十六尺廣一十八尺繚以石

南陵縣志

卷四十六 金石

二十三

欄堤以石磯巍如翼如工舉而費罔官損役匪農妨行旅樂於往來士女聯裾遊遨騷人墨士觴詠其上形勢盤踞風氣蓄聚千百年未有之事不動聲色而一旦告成無窮之福伊誰之德宜乎都人士愛詠之也余每慨郡邑吏喜事失之急畏事失之緩敝精於簿書期會之間而屹屹營營失之俗所求敦大體協時宜天人交相不勞而成功不已鮮乎余因侯之斯舉也不能無所感矣橋成邑之舉人管橋來請余記余樂侯有古循吏風乃述其事之顛末如此橋名龍會取前所云二水交會之義侯姓沈名堯中庚辰進士嘉禾人

右記明萬曆十二年宣城徐元太撰文碑石久佚從徐志藝文錄補

明重修城隍廟記

重修城隍廟記

督老

何榜
馬沛

帝王經理郡國旣以厥方保障屬之守臣復建祀城隍以默翊守臣之治蓋明有禮樂幽有鬼神行陰陽而成變化然後事功立而民庶安此古今識治體者必於祀典加之意爾南陵故無城垣而有其神祀自長垣郛公修城繕隍而神始有馮依貞後先營構以意爲制堂弗應扉位弗拱邑址不宅后土

南陵縣志

卷四十六 金石

二十四

匪直無當堪輿之理抑於神正直是與厚宅庇民之意殊未稱焉是宜頃歲災沴頻仍雨暘弗若四境皇皇瘠瘵載道而來邑大夫之憂也大夫嘉禾沈公以庚辰名進士視陵下車日祇謁神廟四顧惓然而時詘靡舉迺與神誓曰凡吾所爲民計者神必知之神幸相予以圖吾民民安而神安矣居文歲時和物豐政平人若凡侯所咨嗟籌度若或啟之所願望祈禳罔弗應之是侯之精誠足以通神明之德而神之靈貺昭鑒不爽忽荒如此也侯於是捐俸經始而閭閻閭閻爭相效助侯曰可以

乃登陣揆景審勢定方自室徂堂緣庭徹戶洞然見鬼神正直之心左擁藍漳而右迎天柱剴然政教文明之地若張翼焉遶玉帶而北鎖合重關龍偃虎踞而祠之址當其中□敦大宏裕巍然宅眾師而厚福祉矣至於廡樹兩觀示小民禍福之懲而洩鬼神之情□侯之務民義敬鬼神又若是其不違俗而慮深遠也是舉也釐百年之蕪陋於旬月之□□費官帑力不煩微調而廟貌忽新香火忽盛歲時伏臘都人士女樂賽報而蒙福□□感而動懲勸禮樂鬼神之用相禪而不窮侯之

為貽遠矣可尋常興作語哉遂□□□記

賜進士南京兵部武選清吏司主事邑人許夢熊撰文

署教諭事舉人吳萬全篆訓導 讚丹

萬曆十三年歲次乙酉春三月吉日立縣丞章玄

主簿徐良輔典史鍾九功同立 陰陽官嚴汝

書

旌邑劉 志大安同鐫

右碑在廟前高五尺三寸六分廣二尺八寸四分

十八行除擡頭每行三十四字正書徑一寸一分

萬曆十三年立

明刊示減革碑

為督撫地方又為出巡事照得本縣節年災荒百姓

困_下張廷_上□□□必等公同議得本縣秋_下內有

黑荳芝蔴_下內申詳去後先奉 本府知府王 詳

批候 院道詳行繳_下務兼巡撫應天等府地方都

察院右僉都御史孫 詳批據報各款深有_下史蔡

詳批據議參款皆有實惠及民者仰□刊石公署永

示減革繳_下兵備兼理錢糧驛傳江西提刑按察司

副使程 詳批據議皆惠民之_下長酌議方可刊刻

傳示以垂永久另報仍候 撫院訂行隨該本縣查得

南陵縣志 卷四十六 金石

係本縣_下產要往各處買納向于拾捌名內點充

足稱煩苦又查得本縣_下今議拾捌名外再定陸名

買辦黑荳參名買辦芝蔴貳名買辦桑絲壹名照_下

各有費亦各少避卑職酌_下恐未便隨拘舊糧長

潘樺佐文萬秀汪桓_下報去復續奉 本道詳批糧

長原額收兌買辦皆其事也且此參解煩苦如另_下

捌名內酌量僉解桑絲本折色遵照俱免倍徵芝蔴正

數外各糧長量幫壹半庶得兩便_下又蒙 而命准

行本年秋糧_下照數徵完外但其間原委不容不稟

竊照此議_下而五年壹點未免拾年兩役至于黑荳

芝蔴_{勛下}止_{缺上}百餘畝_{勛下}下田眾多者_{勛下}各甲大

戶不無減損_{勛下}名內酌_{缺上}僉解桑絲本_{勛下}俱

免倍徵芝蔴正數外各糧長量幫壹半_{勛下}長原定肆

名_{勛下}仍舊_{勛下}定貳名查係買納煩苦今增貳

名向也田_{勛下}欲奪其所便而_{勛下}其所不堪是_{勛下}

以爲民適以病民也爲此激切上稟蒙_{勛下}

計開

一議得黑荳每年會計不等約有貳千餘石每荳壹

石抵正米壹石加_{勛下}叁斗_{勛下}米價不無少減如無

之_{勛下}法恐有多徵少給之弊議該每正米壹石

南陵縣志_{勛下}卷四十六_{勛下}金石_{勛下}二十七

上徵銀_{勛下}肆_{勛下}陸分伍釐伍毫足可充_{勛下}計每石

省_{勛下}捌玖分非惟民力少甦而_{勛下}

一議得芝蔴額派壹百零壹石貳斗每石額徵銀捌

錢肆分向於糧長內僉解_{勛下}戶今_{勛下}各糧長止幫

壹斗_{勛下}糧役少甦而漁獵_{勛下}不禁而戢矣

一議得桑_{勛下}糧長_{勛下}給_{勛下}查

得桑絲原有貳頃稅絲係_{勛下}正數俱免倍徵_{勛下}

寬壹分則民受壹分之賜矣

上_{勛下}萬曆十_{勛下}年_{勛下}

上_{勛下}南陵縣事嘉興沈堯中立

右碑在縣署前高_{勛下}尺_{勛下}寸廣三尺六寸七分三

十一行行_{勛下}字正書徑八分上缺下泐厓存

中段萬曆間立

明重修安賢祠記

重修安賢祠記

浙嘉禾瀛壺沈大夫以名進士來令南陵三年境

內大_{勛下}大夫爲政以澹泊甯靜爲教本以振風俗

作人才爲_{勛下}務是以令出風行如響富聲行且奏

最明光

內召有日矣猶然斤斤民事改學修塔築堰造橋百廢

南陵縣志_{勛下}卷四十六_{勛下}金石_{勛下}二十八

具興萬姓永賴茲復捐俸鳩工重葺安賢祠祠成

屬不佞記按祠在北關外里許古名謝家池至唐

始創是名不識所安何賢及查舊志乃蘇孝子仲

芳修煉之所向來止崇釋氏嘉靖壬戌邑侯仰蓮

郅公增建明經樓中祀李翰林太白張中丞巡杜

秋浦牧暨孝子何公琦李公經忠臣吳公景凡六

人置有祭田脩葺以來尙屬草創歷歲已久祠宇

傾圯大夫初定祀典申入蘇仲芳改何吳二公于

鄉賢又以歲僅一祭申免祭田租春秋二舉茲又

作而新之時適有文昌入夢因見文昌祠闢崇報

堂門楹棟宇煥然壯觀俾多士藏脩有所景行有
自公餘日攜諸生講習其中有作而言曰仲芳孝
矣曾受戒跌坐而化非吾道盍去諸大夫曰道一
而已矣第患不入入則是因題函三真境且謂多
士曰賢豈易言哉必忠孝節義文章政事赫然艷
千百世而莫之或朽茲諸賢張公也忠蘇李也孝
翰林也文章而秋浦也政事若罕觀焉爾多士生
于斯長于斯耳而目之熟矣亦踵其芳軌爲國家
用哉於是多士聳然而起有動于中悠悠乎興仰
止之思焉若祠也不特崇殷薦抑且存憲章其寓

意蓋深矣倘諸士者入不孝友出不忠義徒汲汲
拾青紫爲榮肥計於文章政事泯泯無稱不惟玷
厥先賢而亦非大夫葺祠盛意也余于多士忝有
一日之長敬述大夫意如此云是爲記

鄉進士署南陵縣儒學教諭事閩侯官吳萬全撰

萬曆十三年秋八月吉日 管工民人何煦

右碑在鼎豐橋側高五尺七寸七分廣三尺二寸
十九行除擡頭每行三十四字正書徑一寸一分
額題重修安賢祠記六字橫列篆書直徑四寸五
分萬曆十三年立

明學田碑記

學田碑記

直隸甯國府南陵縣爲置學田以贍會課事案照
萬曆拾年玖月內已□本縣知縣沈 看得本縣
生□眾□□學亦盛除遵奉

明文按季考校不缺外竊念季考固爲大節而會課尤
爲實功今諸生各擇同志者每十人爲一會每月
逢□各持窗課會于尊經閣下月終乃加面試校
其優劣□□□費□□□資查得原編銀兩□供
季考舊有義租□贍貧生相應另置學田以贍會

課偶有本縣民陳□言願獻□分田價銀壹百陸
拾兩何淡等□□銀叁拾柒兩零伍分共銀壹百
玖拾柒兩零伍分內將銀壹百叁拾兩置買地名
石家鋪邊趙應龍通折田肆拾壹畝叁分肆釐陸
毫瓦房叁間草房玖間仍有支剩銀陸拾柒兩零
伍分並捐本縣項下俸資銀貳拾貳兩玖錢伍分
共銀玖拾兩□□置買湯文恩通共折田叁拾陸
畝伍分玖釐貳毫瓦房叁間亦坐落石家鋪邊貳
處共計田柒拾柒畝玖分叁釐捌毫當差老人臨
田看明將田地□另立壹戶召民租種每田壹畝

議秋收上稻壹石玖斗共稻壹百肆拾□石□斗
□□各照時價易銀貯庫每遇會課供賞明立文案置簿登記候查備由具申

本府詳批創立學田收租課士此有司美政卽候
學院□行□若中間有不敷處本府贖銀內堪支者
請詳支給奉此隨奉府牌蒙

欽差提督學校巡按直隸監察御史李 批據本縣申
前事詳批□府查報□俾仰縣卽將該縣置買學
田並收租稻□佃戶姓名再加酌議停妥申府以
憑轉報奉此已該本縣查議停妥具由回申訖未

南陵縣志

卷四十六 金石

三十一

蒙詳示又奉 本府信牌內開看得創立學田作
養士類乃有司之美事今該縣特議舉行□□□
資助不足具見養賢課士經久至意卽查本府項
下□銀動支拾兩□□□□之□務使此舉
傳之悠遠仍勒石學宮添刻志□等因奉此遵行
間□□縣民曹廷爵愿將地名楊村坦魁潭□
村坦田共計田壹百叁拾貳畝貳分獻入儒學作
養人才據此將田另立壹戶召民租種議定每畝
秋收上納租稻捌斗伍升共稻壹百壹拾貳石叁
斗柒升又有本縣民戴思祖愿將地名黃泥蕩田

玖畝捌分水蕩陸分願賣儒學作爲學田據此隨
動支 本府項下紙贖銀壹拾兩給戴思祖領訖
將田另立壹戶召民租種議定每畝秋收上納租
稻壹石肆斗共稻壹拾叁石柒斗貳升各照時價
易銀貯庫以贍會課具由申奉 本府批允奉此
隨該本縣遵將前項學田向給會課供費外
茲陞任去後舉廢存乎其人合無申乞以萬曆十
四年七月爲始置立文簿每遇公費動支逐一登
記聽候

本院稽查庶垂永久且由並前給賞過文冊申奉

南陵縣志

卷四十六 金石

三十二

欽差提督學校巡按直隸監察御史房 詳批沈知縣
在任六年勸學右文士風不振茲當離邑之際曲
爲善後之圖可謂古之遺愛也已仰縣將本官創
置學田勒石學宮以誌不朽每年徵收租銀登報
本院循環查看遇有不敷申請動支此繳

萬曆十四年秋七月吉旦立

右碑在文廟禮門外高五尺八寸六分廣三尺零
四分二十八行除擡頭每行四十三字正書徑九
分額題學田碑記四字橫列篆書直徑四寸萬曆
十四年立

明重修武安王廟碑記

重修武安王廟碑記

武安王有廟制乎歷代崇祀名稱匪一要以顯忠魂揚往烈耳然祀典所載有國功民功事功戰功雖細大弗同大都數極德盡或世遠而響微未有亘古今窮宇內尸祀廟祀通乎人者王從立德於邂逅盟以共國興復崎嶇吳蜀許洛荆襄間其重然諸審去就奮義勇以急國難且無論其大節炯炯昭日星齊海嶽卓然守道君子跡其隕身報主□應與死綏之士血食西蜀若太原上黨慕其奇

節不廢蒸嘗伏臘固宜迺今去漢彌遠薄海外內靡不嚴王之矧大江以東孫氏撫有以窺中原於是謀臣猛將捐軀捍敵可一二數尸祝於吳反在仇吳之武安則其不泯固自有在□□□摧鋒拔城賈勇赴敵云哉王故有廟在縣治西邑中水旱凶荒是惟無禱禱則應其所補於民匪細圮於歲久民居凋殘無以稱尊嚴余方脩明祀典褒烈獎忠斥僞除淫以周公瑾雖吳臣忠於所事常保障地方長春敷於法得祀祀於學宮名宦如王聰明正直英爽不昧其精神意氣卽余夢寐中亦或往

來乃順民情重新之計工程財址仍其舊闢垣墉

美輪奐視往模加飾焉又據民人孫楠獻有祭田

陸畝壹分坐落叁拾陸都一二區新興圩每年該

租銀二兩五月十三日王誕辰也取以供祭羊壹

禮計□拾□豕□□□□□□□□□□凡以扶

世道植民彝俾人知君臣大義而仗劍死綏之士

有所感而奮云余歸自

天朝瞻拜其間若有感疇昔之夢因登厥民詔之曰天

剛大之氣旁礴流行明爲烈士□幽則爲神神依

人而行其氣相通汨於欲則不剛荒於義猶涼德

矧敢借倖戾粗鄙之習以濟其恣睢余聞內史過

曰將興神鑒其德將亡神觀其惡蓋慎所以觀之

乎修孝弟崇廉節急君上民之和也神之福也乃

有不吉不迪圯族敦倫反諸吾心明若觀火尙中

慙內縮亟反若爲歆神介址莫此大願如曰明德

弗務惟神用詔以僥福利是無馨香而有譏慝匪

長民者所以崇祀之意其明聽□言而念諸

賜進士出身文林郎知南陵縣事嘉興沈堯中撰

□□□□□□□□□□□□□□□□□□□□

右碑在關帝廟高□尺□寸廣二尺四寸二十三

行除擡頭每行三十四字正書徑八分下段殘泐
據徐志藝文錄補額題重修武安王廟碑記八字
分四行篆書直徑三寸額左旁題萬曆二十一年
十月吉日重修正書徑六分萬曆二十一年立

明思古橋碑

邑東南舊有思

古橋先是選父

□□□□□□□□

造鄉進士范公

有文□之日久

南陵縣志

卷四十六 金石

三十五

額圯選借□□

載維□□□□

助重造橋成勸

碑以垂不朽云

萬曆丁酉年立

右碑在橋東高四尺七寸四分廣一尺九寸八分

上截記文十行行六字正書徑一寸二分下截漫

漶不可辨額題思古橋碑四字橫列雙鉤正書徑

四寸一分萬曆二十五年立

明陶公碑記

陶公諱彥仲配周氏封馬鬣於合塘邊而其子璉

缺下項五今豎碑于茲皆其族之祖塋也蓋公以仁

厚敢祚缺下今隴陌廬舍交衽毗連誦讀織杼之聲

不輟於晝夜缺下輩出而姻聯里閭稱義門著姓也

者必首陶公之慶缺下祿氏公十九世孫也以天年

蚤終而希位氏暨族姓之缺下仁等崇舉先祀建碑

祖塋將使百世之下裔自公者咸缺下□□□□感

羣昭穆以懷二人萃渙睦宗之仁由本株缺下用意

篤而爲□至深□□□□忝門楣嘗慨世俗之缺下

□其先而荒草寥寥又使賢愚□辨子孫欲拜其

南陵縣志

卷四十六

三十六

祖墓缺下茲塋碑質簡得中足以詔方來而妥體魄

故喜而爲缺下

賜進士第奉訓大夫南京兵部職方清吏司員外郎前

奉

勅督理儲餉戶工二部主事門下婿許夢熊頓首拜撰

萬曆丁酉歲仲冬中浣之吉

玄孫陶缺下

右碑在下東鄉高□尺□寸廣二尺十三行行□

□□字正書徑一寸厘存上段額題陶公碑記四

字橫列篆書徑三寸八分萬曆二十五年立

明管先生去思碑記

儒學教諭管振野先生去思碑記

賜進士第奉訓大夫南京兵部職方清吏司員外郎邑人胤峯許夢熊撰文

賜進士第戶部雲南清吏司主事邑人心賓施善教書丹

賜進士第觀工部政邑人五陵管 橘 篆額
賜進士第觀都察院政邑人一寰汪冀夔

管振野先生以遷秩行邑縉紳諸生既合贈以言復醵金醵石志感於不朽此

國朝建置學官二百年來所希觀也予請得而揚厲之

南陵縣志

卷四十六 金石

三十七

夫官師之位非有勢焰威力能驅使劫奪人也先生何獨令人感慕若此蓋先生學見其大不以三綱五典之軀博銖兩尺寸之細而匹夫不獲時予之幸老安少懷各得分願時發其志于春風時雨敬業樂羣之間是故比年考校及先生之門者三而先生詔之曰來爾無趙趙吾苦雖微束脩忍弗爾誨于是諸生躍然進始知芹泮之爲榮而閭閻寒畯亦知勉課其子弟就學故事諸生廩餼多停缺以需先生于應補者刻日爲請率假擔石使祭其先且令有親者亟占祿養用意何渥至掌籍之

盈耗無問矣歲序諸生例有餽遺其不能者愧而退師友上下之情遂開隔而不暢先生憮然念之諭使皆來不令家僮從旁咄噴復詢所疾苦昏喪而周恤之註誤而全庇之無幾微梗芥畛域行乎意色其泛愛無方以一身爲眾庶身以永劫事爲一時事又如此夫先生誠愛諸生故諸生亦莫不愛先生諸生誠愛先生故其父兄亦莫不以子弟之故而愛先生此闔邑之議論精神融結爲一必勒堅砭令先生名敝天壤垂風教以淑方來而後可先生寅友張君紹渠雅與先生同志行之日又

南陵縣志

卷四十六 金石

三十八

同至于士心之感孚無間矣猗嗟盛哉先生諱大武蘇州之崑山人

皆

皇明萬曆戊戌歲中春月穀旦

知南陵縣事□ 樞 縣丞 儒學教諭余

應元 典史趙 經 主簿張 禩 訓導畢守中

余文榮 以上第 鄉官王□志 陳□明 □

洵 □ 蓉 □ □ □ 陳文豐 張茂蕙 陳一

言 王用臣 以上第 儒官陳雅言 貢士任廷諭

管 樂 管 梗 舉人戴 新 余一德 武

舉管 樸 管 和 以上第三列 監生管一本 張應

宿 施所蘊 陳素蘊 許久申 劉懋元 陳萬

言 管 桂 劉啟春 管一鵬 管一鳴 陳周

言 曹宗旦 王賓臣 戴廷仕 戴士全 以上第四列

生員汪夢陽 何 □ 曹宗思 萬仕觀 葉

向春 孫 璟 劉孟元 孫世芳 秦邦脩 余

棚 葉應坤 汪應朝 劉 選 王之造 陳

蓋言 强世熙 俞時弼 丁時裕 以上第五列 張宗

良 何守緒 汪 □ 期 劉維讚 張士模 余

柱 秦邦儔 孫元華 劉維詔 汪明倫 鄧文

南陵縣志 卷四十六 金石 三十九

選 張大川 管一鯨 劉初元 何文 □ 許夢

旂 施五教 張士奇 以上第六列 張思中 張 會

許以忠 劉芳稱 管一鰲 何繼讓 施善政

葉逢春 周文御 姚元亮 張質 □ 許朝臣

劉維詰 王問臣 崔 □ □ 之諫 孫廷俊

□ 愈 以上第七列 王之元 何守常 楊茂元

劉邦元 秦希睿 汪冀顯 范懋賢 孫一敬

楊兆龍 鮑景仁 徐士珍 王之瓚 劉維幹

張維瑚 曹宗軻 孫汝霖 周文始 丁一 □ 以上第八列

管一鯉 葉元默 陳翰言 葉宜春 徐

貞遇 曹宗孝 汪士儀 阮熙舜 管一貞 何

文明 劉維翰 楊文節 王調元 管一驥 吳

應太 何九韶 周文華 梁 欽 以上第九列 胡師

宏 管一驊 周應宿 丁一賓 張大業 劉有

本 孫一蘭 □ 一鳳 趙善養 宋德立 曹宗

易 劉希良 何應鯉 汪士彥 管一思 徐元

禎 劉希光 王世臣 以上第十列 劉維賞 姚元策

王之極 劉國太 何天衢 王之典 汪士奇

周應慶 張維鳳 楊元龍 □ 世顯 戴士庠

朱應蛟 張士寶 丁一陽 管嘉臣 楊 □ 清

南陵縣志 卷四十六 金石 四十

趙之璧 以上第十一列 胡安國 葉日章 張應奎

王洪猷 陳素履 徐叔鯨 俞大儒 戴士聰

俞一賡 朱文謨 何文章 徐光綬 葉世喬

俞堯 □ 徐 □ 思 李 □ 春 姚元幹 王夢鰲 以上第十二列

劉永麟 戴士念 汪應斗 孫振先 王

之望 劉一觀 萬士志 文廷啟 胡師甯 孫

正茂 朱允中 程希周 孫正美 何繼 □ 劉

永鴻 汪夢鴻 王應舉 文應召 以上第十三列 李時

太 李正春 丘邦岑 徐士茂 葉 新 程希

伊 何繼蕙 余 □ 厚 阮文奇 以上第十四列 徽商吳

騰江金 □□□ 陳鳳鳴 胡正甯 江

銑 楊士良 以上第十五列 太醫院吏目施文舉 陰

陽官嚴汝文 醫官何一麟 府吏朱熾 耆民劉

□ 管 橐 劉維載 姚 漢 王之寵 朱

燁 汪鍾瑞 程茂大 楊天命 查 鳳 程

文林 程文道 吳繼璉 以上十六列 朱文仁獻舊學

基 陶光輔 童守中 姚 湛 方應諒 朱廷

化 王夢士 郭永祥 以上十七列 同立門生龔□夔

書 學吏葉世□

右碑在文廟戟門前東院高五尺五寸二分廣二

南陵縣志 卷四十六 金石

四十一

尺八寸六分記文十七行除擡頭每行四十八字

字徑八分題名十七列字徑五分並正書額題管

先生去思碑記七字橫列雙鉤篆書直徑三寸一

分萬曆二十六年立

明張紹渠先生去思碑

邑庠 張先生去思碑記

賜進士第□工部政邑人五陵管橋撰文

賜進士第奉訓大夫南京兵部職方清吏司員外郎邑

人胤峯許夢熊書丹

賜進士第戶部雲南清吏司主事邑人心寶施善教

賜進士第觀 都 察 院 政邑人一寰汪冀夔

篆額

余讀史至漢興數詔茂材受學國家有大疑難下

太常會百官各具師說以對諸生誦說有法必驚

問曰何師則謹對曰師事某故其師氏必躬道德

仁義絃歌俎豆之教以養弟子而弟子亦服習師

訓觀摩漸染釀成可封之俗猗與休哉逮輓近世

師儒從事□□忽大□不過以課文藝□候謁脩

禮交如是者□標士亦□習以爲固然情誼闊略

甚於膠序師長之聚散去來秦越視之□

南陵縣志 卷四十六 金石

四十二

紹渠張先生以貢選第一來訓吾陵先生忠信朴

茂人也□任自然不峻□府生長濱區僻西南萬

里絕微無中州靡麗綺縠之華以□□□□□

□□□是以天全而性得養遂而智周余始望之

恂恂然若不勝衣訥訥然若不出諸口徐而叩之

則淹貫博綜淵深□□□涉北海不可爲量也間

過余舍□酒之權挹掌談時事鑿鑿中窾不啻燭

照而數計之又朗鑑善知人物色士子多在未遇

合先卽余至□□可□□□生國士之知而余家

子弟輩無論矣諸士子中貧不能食歿不能葬男

女不能婚嫁者亟請學田之羨□有司甚則出薪

俸賜之□有困抑鄉曲屈首豪家不得□必徐徐

之求直至以非義相干即切責謝絕無少假借

客有操金謁先生者先生曰儒臣所重節義耳奈

何以若金故乞有司顏色玷清白風□□□□

退所遇有司□嚴事先生如值鉅典大禮靡不就

正先生一言為重歷陵六年所先後同寅不下四

五人先生友愛倍於同胞而與余宗管振野先生

□□意氣相□時時詩酒為懽也適振野遷授

金華而先生亦有桃源之轉士大夫□談之先生

南陵縣志 卷四十六 金石

四一三

教士崇尚德行而一以經術為務故一時明經之

士膺薦選擢巍科□□□鵲起異日入對

大廷稱旨朝士驚問曰何師必首舉先生以對矣余固

知道德仁義絃歌俎豆之教有以深入士子之心

而士子於先生□也又相得以□之□□□□

□□一朝違慈父母不忍別且屬不肖以筆札

之役用紀其盛余與先生有金石交敬次第顛末

而勒其不朽者於石先生諱鵠字志卿雲南之江

川人

皆

皇明萬曆戊戌歲仲春中澣之吉

知南陵縣事林 樞 縣丞

儒學教諭余

應元 主簿張 禔 典史趙 經 訓導畢守中

余文榮 一列上第 鄉官張維□ 王尙志 陳一

言 陳文豐 戴 蓉 孫惟允 俞 □ 陳文

明 張茂蕙 王□臣 二列上第 儒官陳雅言 貢

士任廷諡 管 樂 管 梗 舉人戴 新 余

一德 武舉管 傑 管 和 □ □ 三列上第

監生張應宿 □□蘊 陳素蘊 許久申 劉懋

元 管一鳴 陳萬言 管 桂 劉啟春 管

南陵縣志 卷四十六 金石

四十四

□ 陳周言 曹□旦 管一本 王賓臣 戴廷

仕 戴士全 四列上第 生員曹宗思 萬仕□ 葉

向春 徐□禎 孫□□ 劉孟元 孫世芳 秦

邦□ 余 棚 葉應□ □應朝 劉 選 王

之□ 陳蓋言 强世熙 俞時弼 丁時裕 第五

列 劉芳稱 張仕模 管一□ 秦邦俱 孫元

華 □維詔 汪明倫 張大川 □□□ 鄧□

□ 朱□□ 金□□ 劉□□ 何□顯 □□

□ 施五□ □□□ 六列上第 張□□ 管一□

施□□ 許朝臣 葉逢春 張□孚 周文□

姚元亮 張□奎 劉維□ 王□臣 □大期

□□□ 孫廷俊 汪 □ □文□ 何□□

以上第七列

楊兆龍 秦希睿 張維瑚 汪冀顯

范懋賢 鮑景仁 徐士珍 王之瓚 劉維□

曹宗軻 張思中 孫汝霖 劉□誥 □一煥

何繼□ 方叔和 許以忠 以上第八列 曾□孝 汪

士□ 阮熙□ 管一貞 □文明 周文始 劉

維翰 楊文□ 劉邦元 楊□元 □□□ 王

調元 管一驥 吳應□ 何九詔 □□□ □

□□ 以上第九列 何應鯉 劉有本 周一鳳 趙善

南陵縣志 卷四十六 金石

四十五

養 張維鳳 汪仕□ 曹宗□ 宋德立 劉希

□ 葉宜春 陳翰言 葉□默 王世臣 劉□

光 管一思 孫一敬 孫一蘭 以上第十列 丁一賓

文廷啟 何天□ 王之典 汪士奇 周應慶

張□業 戴士聰 周應宿 □夢陽 張宗良

朱應□ 張士賓 丁一陽 管一驊 徐淑鯨

劉國□ 以上第十一列 □一□ 徐□□ 管一臣

葉世喬 俞□都 徐叔思 李□□ □□□

王之桂 楊元龍 王夢鰲 俞大儒 姚元幹

□□□ 葉日章 趙之□ 王洪猷 以上第十二列 劉

永麟 □□□ 劉□□ 孫正茂 萬士志 程

希周 孫正美 □應□ 何文章 楊茂清 劉

永□ 王應舉 □繼□ 朱允中 胡師甯 王

之望 徐貞遇 以上第十三列 李□□ □□斗 戴士

庠 魯□□ 徐士俊 丘邦岑 李正春 余邦

□ 葉□□ 程希□ 戴士念 何□蕙 阮□

□ 龔希夔 姚元□ □□□ □□□ 以上第十四列

太醫院吏目□文學 陰陽官□□□ 耆民劉

□□ 方應□ 劉維載 □□□ 王□□ □

□□ 姚□□ □廷化 □□騰 □□□ □

南陵縣志 卷四十六 金石

四十六

□昭 □鳳鳴 胡正甯 □銳 □士□ 學

吏葉世和 以上第十五列 醫學何一麟 下缺

右碑在文廟東首高五尺三寸三分廣二尺三寸

五分記文十八行除擡頭每行六十字字徑六分

題名十六列字徑五分並正書額題張先生去思

碑記七字橫列雙鉤篆書直徑三寸八分萬曆二

十六年立

明香由寺重修山門碑記

春穀薦福名山香由寺重修山門碑記

香由寺在薦福山中蓋春穀第一勝也歲久而圯

不計年數矣如來□靈授我清虛上人崛起新之時不既堂宇廊廡之役而先山門計山門之功成蓋歲丙戌冬杪也邑侯郝□洲公顏其額曰薦福名山而未有記之者上人之勤不幾虛乎此猶其細也而薦福之勝不幾泯而春穀之盛不幾湮乎歲乙亥余領使南還上人過余徵詞爲記余稔知上人之勤也春穀之勝首薦福而薦福之勝甲於春穀也迺走不律記曰猗歟都哉薦福之勝甲於春穀而香由寺踞焉此刹與此山並焜千禩矣而何旅替者之相貸乎前也計此刹肇自晉隆安間盛

於唐咸通再盛於宋政和間迨我 明永樂朝師惠□振法力 勅建梵宇洎玉杵紫衣之錫今已矣望如來而瞻禮者孰無銅駝荆棘之悲黍離稷苗之歎時無檀越者爲之討舊物整舊觀理昔日之勝而斯門之建乃聞於上人也乎且按山門舊制始自唐貞觀九年勅建大道之傍與邑治埒蓋邑左臂也今香由巷蓋其遺址云嗟嗟門之實久廢而巷之名空存睠焉顧之能無潛焉之涕哉時不克探先朝之遺伸恢復之議踰故武寸尺地而粥粥焉規一隅以自營上人伎倆所饒爲者止此

耳□上人則誠勤已將所謂薦福之勝與其春穀之盛無乃令人短氣乎余曰否否今昔之際小大之間於此處稍歧二相乃眾生溺於情量之見非如來不二之觀也蓋眾生之見大於我者卽謂之大是故言山大則信□大則信言鳥大於山魚大於海卽不信何也以非情量之所及故也於我者卽謂之小是故言螻蟻則信螻蟻則信言蟻有國國□□臣少長是非爭讓之事螻蟻睫上有無量蟲虫有無量郡邑都鄙卽不信何也以非情量所及故也計一人之身頭足相距五□□百六十

骨節之中三萬六千種尸蟲族焉凡有目者卽有明是彼未嘗無晝夜日月也凡有足者卽有地是彼未嘗無山嶽河□□嗜欲者卽有生聚是彼未嘗無父子夫婦養生送死之具也嚙而爲疥彼知趨利膚中之蟣出之甲上奔走如驚彼知畏死吾安□茫茫堪輿非一巨人之身邪婆娑世界非其一骨節之虛空處邪人物鳥獸賢聖仙佛非其三萬六千中之一種族邪於此參之極□量之廣狹不足以定世間之小大明矣是故於一切物無巨細見於古今世無延促見於眾生相無彼我見

殤可壽巨可細短可長□可彼智可愚知此解者以睇於斯門之制今昔之際大小之間不復作二觀矣上人深於道者余戲下一轉語曰如來座下均堂邃室種種密奧亟需料理上人是舉無乃於門外落脚否上人應聲曰我安知佛公學聖人者也請言聖人之道夫聖人之道非獵也外天下矣而後能外物外物矣而後能外生外生矣而後能朝徹朝徹矣而後能見獨見獨矣而後能無古今一死咄咄妙義其無獵進爾爾吾佛乘猶然矣無樹也非臺也洵曹溪當下語要以機透於久熟

悟證於飾來當其未熟未飾時作麼生理無亦作苦樹鏡臺觀也者故夫凡夫即聖人煩惱卽極樂安得過泥曹溪之頓而屏去一切漸修乎則門而堂而室之說也噫上人深於道者吾永勒其言爲衲子家標一到岸法門矣斤斤一門之建足以誌其勤而雅增薦福□勝而濯彰春穀之盛乎哉是爲記

萬曆己亥季春之吉

賜進士出身奉直大夫戶部廣西清吏司員外郎奉勅運餉朝鮮前雲南清吏司主事監督西庠邑人省愚

施善教撰

僧會司僧□明大立石

右碑在香由寺高五尺三寸六分廣二尺八寸二分二十六行除擡頭每行五十一字正書徑九分額題重修山門碑記六字橫列篆書徑二寸三分萬曆二十七年立

明院道批詳條款碑

爲民瘼事勘得天下有治人無治法夫錢糧徵解有定編也而明尅暗科里甲鋪行有明禁也而陽革陰用備荒募稻徒資衙棍之冒領爲糧設官反剝下民之膏血是豈法之不善哉緣上之議法者若此而下之奉法者

若彼欲斯民受惠胡可得也今據各廳會議七款前來所當亟爲申飭改正合無呈乞裁奪□□縣勒碑遵守至于痛下民之疾苦懲已往之夙弊任勞任怨力剔力釐上仰憲臺之德惠下出赤子于泥塗□實法行而膏澤不壅者又端于良有司有厚望焉即將各項事件勒碑永永遠守

一禁剋剝 看得條編之法行錢糧多入官徵官解祇因而不里長坊長者正欲釐夙弊以厚民生也然有不可盡廢之役如糧長解戶等差素稱繁

苦在良有司方存恤之不暇乃南陵于徵解之際縣官扣剋之書吏需索之至于日用米薪仍用里甲辦送種種夙弊誠非治世所宜有合無行令該縣已後除條編錢糧照舊投糧徵收其應給糧長解戶起運京倉麻豆等項錢糧俱准里收里運先行傾錠寄庫至起解之時當堂兌發縣官毋得扣剋分毫吏書不得需索常例此外又有空役免解銀兩尤屬無名橫征更宜痛革若夫有司口體之奉所需幾何干明禁而受里甲之餽送恐少知自好者不爲也

一革積書 看得錢糧有起存解給有緩急磨算固貴精確給散尤當及時然要之在縣官親自稽核分別項款投糧徵收立限查比則錢糧自完弊竇自革若衙役多一人則多一蠹安得于該房吏書之外添設糧書以恣隱捺領狀以遂那移致起運正供常多掛欠里掛未役先責充那此何等法也合無行令該縣將糧書潘世武等叁名並兵房積書嚴行革役查照宣城事例每年止責成里排分限比較不必細開花戶以啟隱捺之弊其各役工食亦必役後按季給領無□預先標領那移庶源

流清而流自澄法簡而民永賴矣

一省冗官 看得南陵邑大糧多主簿之設誠不容已也安可議省惟是設一官自有一官之俸薪乃往往于徵糧解糧之際官吏門皂恣其需索糧里已不勝其誅求矣而近者縣官又明給硃票令其在倉勒取役何憚而不爲哉是法之不行自上始也合無行令痛革以後敢有需索常例勒取供費而縣官不行禁戢者事發管糧員役坐贓究革掌印官併從劣處

一禁用坊長看得禁用坊長前道申飭之詳矣其慮

借辦之難杜也公館衙門之行令盡置乎什物又慮損壞之不繼也置造修理俱經多議乎條銀至于

上司使客中火酒席等類猶有額編公費可以動支乃該縣又冒不韙之名而復擾坊市何也合再申飭出示曉諭敢有陽革陰用者則

憲禁俱存誰其貸之

一比例祛弊 看得起運錢糧解積悉經議入編內量路程之遠近酌所費之輕重原銀自足支給此額規也今乃一槩扣剋盡令解戶賠補奈何南民

之不累且困也合無飭令以後悉照宣涇事例遵行敢有再踵夙弊扣剋勒補定以不職論庶小民省一分受一分之惠矣

一社倉稻入 看得立社倉以廣積儲募義稻以備賑濟法誠善也乃南陵自萬歷九年募稻玖千餘石至十五年以出陳易新之虛名爲吏書棍徒之冒領歷年顆粒無收空倉報累此豈立法之初意哉合無俯從聽議行縣暫將社倉停止其見貯稻倉變價入官原借未還人戶仍要從實挨查故絕者免償見在者追究完日造冊查考作正支銷庶

有司不致以良法病民而奸胥不得藉官司貽害矣

一蘇鋪行 看得有司行政必使四方各安其業而後地方舉安彼鋪戶資本幾何爲漁獵之計恣需索之謀貨盈取而價止半給如前令者殊爲可鄙合行刊大書告示諭令各行知悉以後不論物件大小悉照

明禁必以見價平買並不許再用小票支取其各行許各置官買簿壹本懸于各鋪門首遇有取用徑許登入簿內如遇

本院本道按臨隨便取簿查考庶官可避嫌民無重累矣

皇明萬歷二十七年歲次己亥秋九月吉日

南陵縣知縣朱朝望 縣丞周邦棟 主簿應子懷 典史趙經 同立石遵行

右碑在縣署頭門外高五尺七寸六分廣三尺一寸五分三十一行行五十四字正書徑七分額題院道批詳條款六字橫列雙鉤正書徑四寸六分萬歷二十七年立

明重修太學會館碑記

重修太學會館記

文林郎知南陵縣事武昌朱朝望撰並

會館者何樂聚業也太學會館者何蓋諸君自爲地而林公爲創之者也夫此去成均僅十舍是舉也諸豪舉則林公其爲冗役大不其然古之學者教必有正業退必有居學藏焉脩焉息焉游焉以慎習也夫常之與有語楚則楚語齊則齊越之無縛秦之無廬習則使然諸君爲習計茲且爲莊嶽且爲居肆矣余事三年來新孔子廟庭堂廡祠舍旣已改觀爲博士廬也禮也余旣

爲博士慮能得不爲太學慮諸太學□□序無所屬去成均又持三日糧□縵□依於何有之鄉謂退習何習之疎用之不啻疎矣欲化民成俗毋□□日適越而昔至也固以知林公非興冗役也役興之後汪君舉進士第爲諸君嚆矢非吉祥善事之明驗歟□之館就圯語云人情者難與共始而易於圖終諸君其毋反是唯是不穀皇焉不敢釋此而朝食業已庀材□工一切飾舊而新之頽者振闕者備黠者丹堊陵夷者繚以周垣起於己亥季秋之九月成於孟冬十月其□出於諸君中之

好義者故易□而速就余不穀而後喜可知也諸君於是于喁然具請不穀爲記不穀曰不□夫記者紀也紀厥本末則林公創始而不穀成之終此十年廢興之踪是何足論亦惟是維諸君以不朽太□之教曰三年視敬業樂羣七年視論學取友相觀而善謂之摩此教之所由興也請與諸君約則有其舉之□敢廢也是在縣官者不穀圖之會有期執有業功有成則在諸君不穀願諸君圖之其隙地屋十一間一十□丈年租若干置長會儲之以脩敝壞夫天下無敝不可脩者樂羣則脩敝

矣會友則輔仁矣興會館以興士□是諸君不負初心以不負林公不負林公以不負不穀今日不負不穀異日必不負

聖明譬如鑾和在車執策而臨大道或推或馳焉往不宜乎固知諸君必非徒爲是豪舉者耳是爲記是役也董其事者陳生素蘊張生應宿管生一本許生久申而捐貲伐石者則戴生士全也例得並書萬曆壬寅歲仲春月穀旦

太學生王用臣 管 桂 汪冀 劉啟春

汪冀龍 以上第一列 朱應蛟 陳周言 汪守

章 陳三言 許久明 王賓臣 以上第二列

朱字即用十九行穀旦之旦字改刻 管一堂 許久申 潘應

先 劉 元 陳素蘊 孫一廉 以上第三列 姚

元發 戴廷士 張應宿 管一本 戴士全

任大益 以上第四列 朱春芳 丁一棟 潘世

道 □之□ 孫一德 曹宗旦 以上第五列 蔣

士芹 孫元鵠 施所蘊 何應鯉 何繼讓

王希 □ 以上第六列 許名成 張 樂 陳素

履 沈士 □ 汪士任 强希文 以上第七列 周

應慶 鄧 □ □ 劉希良 丁一蛟 陳孔言

陳素位 徐希旦以上第八列 王之讚 汪大

鳴 劉一泰 劉一禎 徐希淳 趙善養

劉有恒以上第九列 姚元美 童楚元以上第十列

同立

右碑在玉帶橋西高六尺六寸廣三尺二寸二分二十四行除擡頭每行四十二字正書徑一寸一分額題重修大學會館碑記八字分四行雙鉤篆書徑五寸二分萬歷三十年立

明新建譙樓記

南陵縣新建譙樓記

南陵縣志 卷四十六 金石

五十七

賜進士奉直大夫戶部員外郎邑人省愚施善教篆額

賜進士承德郎南京戶部主事邑人一寰汪冀夔書

丹

文林郎知南陵事武昌震區朱朝望撰文

始余到官視事會邑譙先已廢弛弗存司漏者厓寄宿公堂歲時令邏使分更擊刁斗惟堂上鼓聲是視余未嘗不三致意以爲儼然專城獨奈何使麗譙缺乏乎私心嘗欲復爲一新創之則又恐物力□堪數中止低徊者久之余以瓜期將至迺問

諸生三老以及薦紳先生之徒皆進而請曰縣以年穀數登困鹿充盈漸有富庶之□今第藉其力以脩千載之廢何憚而久不爲此而況縣舍業已創望華樓甚壯麗非此則形勢誠不便余笑謂父老奈何以堪輿之說相紿也已而思父老之說豈盡無見

高皇帝初興即命四方諸郡邑皆得創麗譙其意固已深遠顧承平日久皆弗爲□余考麗譙之制起自古者軍中從門上爲高樓以望敵如陳涉之譙門及兵法自稱望樓敵樓皆是也故無事則以司鐘

南陵縣志 卷四十六 金石

五十八

鼓一旦有□所藉爲望敵之資此正我

高皇帝寓兵法于其中而人自不察耳余承乏長吏旣不遑與諸父老子弟講明大誼而又使其缺焉不舉斯誠余之辜也且余考天官書天桴四星在左旂南端南北列天之桴鼓也所主專于漏刻其星不明則漏刻失時故分更傳牌一切皆視節令以爲□繇此觀之麗譙正關天象曷可聽其廢乎于是與丞若簿尉及廣文先生遂決策乃捐歲俸鳩工經始于癸卯春王正月費不給則以贖鍰佐之蓋不暇擊橐鼓而民竭子來迺以三閱月告成崇

凡若干丈廣凡若干丈左右列鐘鼓如法屹然穀城一大觀也余又因是而知民風最稱醇厚然非獨自今日始也初

高皇帝親提兵略甯國路于時旌德南陵首相率請降故

高皇帝視之若馮翊獨恤之詔至再下余才淺短雖無它善狀然此衷惟恐斯民弗軌于物誠愛之不惜嬰兒而其民亦幸惟余是率其君子尙禮讓而小人皆斤斤以三尺自守庶幾相與以成治世之休此非余敢誇詡爲功顧四五載之間焦心勞思至

南陵縣志

卷四十六 金石

五十九

皇皇不敢甯處亦惟曉鐘夜鼓實式臨之嗚呼今日之事我爲政豈其勞民而故託爲游觀之樂余每一登臨上顧天命下求民莫頃益重朽索之懼然所爲顧天命求民莫善體

高皇帝之心而厝之衽席則正余惓惓無已之微意也敢並識之俾後來者知所始云

皇明萬厯癸卯歲季夏月穀旦

縣丞周邦棟 主簿張宗京 典史何

應 督造老人馬輝 省祭萬一爲

工吏何支仕 陳希聖 沈□□

立石

右碑在縣署頭門內高五尺九寸四分廣二尺九寸二十三行除擡頭每行四十九字正書徑八分額題南陵縣新建譙樓記八字橫列篆書直徑四寸二分萬厯三十一年立

明重修清溪道院碑記

重修清溪庵碑記

賜進士及第承務郎翰林院修撰金陵蘭嵎朱之蕃撰文

賜進士第文林郎知泰縣事邑人五陵管橋篆額

南陵縣志 卷四十六 金石

六十

賜進士第南京戶部清吏司主事邑人一賓汪冀燮書丹

先是宋遺清溪庵于陵之東北新美鄉距邑可四十里許蓋風氣盤紆塵棼淨□別是一洞天也迄國朝永樂初重加整頓而鄉人靡不樂頂禮而願皈依焉亡何謝仙扇焰頓成煨燼□莫誰何會鄉大夫胤峯許司馬慨然發念而恢復之如初因相沿□至今日矣歲深漸圯主持者□□而墮□□殿宇聽其傾頽污萊歸於豪右

神幾失所憑依矣鄰之庠□□生□□不忍目擊乃

具詞

邑侯朱公

侯自下車來時和歲豐□□事治凡興廢舉□□□

□□時迺廉其狀爲之清復其土田驅除□□□

蓋經幾籌度經幾選擇而得道司之醇謹者汪景

湛俞應□命以似續而無失墜百年之蕪□□□

一旦三靈之托基垂諸萬禩一時羣情鼓舞□不

于于然□□□爭樂捐杖頭餘而□爲牛尾供也

□□乎

侯之德其允矣超黃白乎哉行振振乎其相繩而寧

南陵縣志

卷四十六

金石

六十二

直此碑爲之不朽哉是爲記

皆

皇明萬曆癸卯歲季秋月中浣之吉

南陵縣志

卷四十六

南陵縣縣丞□邦棟 主簿張宗京 典史何應聘

儒學教諭陳敏中 訓導余文榮 丁三錫 陳

溢

縣主□防□□□□□主趙□□

主簿陳文喜 道會司道會范景鍊 蔡思聖

封砌山門

陶大行 道士吳應諒

老人

汪繼文

右碑在許村埠東高四尺五寸廣二尺八寸九分

二十四行除擡頭每行三十八字正書徑八分額

題重立清溪道院碑記八字分四行雙鉤篆書徑

二寸七分萬曆三十一年立

明永樂勅諭碑

諭天下赴會僧眾

邑庠生龔希夔書

朕惟佛氏之道清淨□□弘深廣大包含萬有貫徹微

妙利益幽明功德無量比者仁孝皇后崩逝與薦□□

南陵縣志

卷四十六

金石

六十二

科啟無遮之會廣集僧伽諷揚經典百日之間嘉禎翕

集慧燈降于金刹法雲覆□紺園繡綺五紋輝燦諸品

豪光累現眾彩畢呈天花雨空滿祇林之寶樹縞鶴飛

□繞碧落之旛幢佛之舍利或流輝于梵宮或騰耀於

寶塔開照空之菡萏爛漫也□摩尼動若驪珠炳煥午

夜晃如虹彩燭影丹青寶殿之前圓結金梅之果長干

之□秀產瓊芝之祥若斯顯靈難以悉舉皆由爾眾昆

尼克謹梵行清修瀾翻八藏之文悟解三乘之旨秉至

誠以奉朕命據精意以叩佛慈其中亦有至人道化高

妙□變化隱顯莫測感朕誠心來臨法會證盟善功

朕德薄有未能知藉茲眾善遂功 □ 迴睹瑞應之蕃臻
想神靈之濟度超遊極樂信有明徵朕實歡愉特加褒
獎夫知 □ 川之流者必至海迺止虧一簣之功者則爲
山不成爾等益勤精進庶永謝於 □ 究竟眞空 □ □

○於覺地利生助化翼我皇家欽哉故諭
永樂五年十日十 □ 給授直隸寧國府南陵縣香由
寺赴會僧官惠旋欽此

萬曆三十三年 □ □ □ 十三日 九世孫僧官明大立

石 石工 方 淡 同刻

碑陰

南陵縣志 卷四十六 金石

六十三

玉 音 第一山

右碑在香由寺高五尺零五分廣一尺九寸七分
十四行行三十二字正書徑九分額題勅諭二字
橫列正書徑二寸九分碑陰玉音二字橫列陽文
正書徑三寸第一山三字雙鉤正書徑一寸八分
萬曆三十三年立

明重建工山殿碑記

工山殿碑記

渤海丁 昉

文林郎知南陵縣事

張

賜進士第通議大夫南京吏部右侍郎臺山葉向高
讀晉史至何公範倫轉風伯之勢而息祝融之焰
未嘗不歎公之純孝格天一至于及閱公譜究
厥顛末則公固家世南陵而祖居工山夫工山嵯
峨萬丈仰摩天際迢遞千尋俯瞰江流隱隱然隆
隆然 □ 聳層巒與敬亭靈岬並峙江南洵陵之大
觀也哉詩曰維嶽降神生甫及申公其山降神而
生者乎桓温命士卒曰此山南有神人爾輩切勿

南陵縣志 卷四十六 金石

六十四

擾則公固已感人在當日矣功德暨萬姓宜享祀
在千秋自晉迄我明人心閱數百年如一日故尊
其神者崇廟號諱其殿者曰工山茲地也山脈從
大工發來水勢居五湖勝會厥有古殿壇宇基址
在勝國時已然卽國初遺址尙在不虞閱歲久而
廢頽圯壞也里中士民欲世其功德綿其殷薦而
無從不覺歎歎愴愴悵悵者久之于是諸首事者
及住持海亮爲請于邑東白丁侯因舊址而粉制
集羣工以鳩材中開佛座庵名永慶前建公殿傍
列慈門自丁未至戊申子來趨事工旋告竣爾時

綠蔭菁葱之野忽不覺鐘鳴夜月鶯囀柳堤鶴啼
松樹魚躍碧淵於都哉公之神可藉以憑萬姓之
精誠可藉以通矣予業將北上會世丈陶公繼仁
偕厥戚吳生國宗何生應魁南來謁予請一言以
志不朽予不能文聊以是爲記云

計開

甲周思聰 章永勝 應佩 應桂 應聘 應賀

應賓 應貢 應贊 大卿 大相

大興

二甲陳世高

南陵縣志 卷四十六 金石

六十五

三甲汪子明 子忠 子芳 子炤 子茂 子

能 子清 子勝 子昂 子賢 子顯

子光 子譽 子旺 子全 子瑞

東昇 東皓 東曉 東岳 東景 東

周 東海 東壽 東陽 東繼 東倫

東旭 東時 東亮 東朗 東朝

東昌 東昉 一源 一派 一湛 一

洪 一 一

四甲章文 文譽 文德 文質 文資 世

侃 世熙 世烈 世勳 世化

五甲史 陽鳴

六甲尹子秀 子烙 光然 沛然 仲聘 仲

國 仲起 仲裁

七甲吳 詡 元梓 元松 元相 元義 元

杰 元梁 元柱 元楠 元木 元植

元 元 元 元 元 元 元 元 元 元

元架 元策 元德 元果 元棠 元

元 元 元 元 元 元 元 元 元 元

國美 國宗 國教 國資 國賞

國守 國傳 國 國貢 國忠 國

南陵縣志 卷四十六 金石

六十六

勳 國能 國用 國惠 國保 國周

國奇 國召 國敦 國敵 國重

國卿 國元 國廉 國恕 國敏 國

瑞 國綱 國維 國仕 國約 國治

國 國翰 國經 學加 學久

學文 學易 學孔 學孟 學周 學

禮 學曾 學仁 學阜 學尹 學湛

學源 學滔 學稷 道亨 道明

道任 道立 道脩 道行 元集 元

新學官 國紳 國念 國沾 國珍

國紅 學漢 學祿 吳金 吳門潘氏

八甲王 伶 王倜 王信 王化 文金 文

烙 文富 文學 文□ 文棋 文燮

文舉 文芳 文燦 文瑞 文光

文美 文燠 文默 文黜 文明 文

燁 文熊 加堯 加舜 加啟 加聘

加仁 加相 加祚 加禹 加望

加忠 加爵 加權 加貴 一盛 一

新一德 一鳴 一鶚 一考 一鵬

一隆 子明 □益

九甲方永富

十甲陶世墳 世芳 世魁 繼仁 世來 世

良 世卿 世教 世奇 世宦 世傑

世熙 堯仁 堯智 堯贊 堯賓

士林 堯佐 堯憲 堯治 堯德 堯

中 堯學 堯達 士行 士衡 堯時

堯廣 士衡 士彥 堯書 堯都

士元 堯封 士新 堯煥 堯駒 士

全 堯譜 堯儒 堯廉 堯權 堯功

南陵縣志 卷四十六 金石 六十七

堯伸 堯化 堯訓 堯雲 長卿

貴卿 文卿 茂卿 國卿 進卿 玉

卿 名卿 太卿 元卿 貢卿 賞卿

賀卿 誥卿 鼎卿 忠卿 詳卿

廷卿 達卿 柱卿 吉卿 殿卿 新

祖 光祖 耀祖 陶柯 陶格 陶

榆 宗武 美榮 美華 美富 美貴

眾姓西子賢 西大志 西子敬 西加觀 西

加仕 西加伸 大禮 西季 加

壽 西四 潘潮 廷梁 廷榆

廷槐 廷松 廷樺 時燁

時煥 時燿 時燦 時燈

時燁 時焜 時燭 時煬 時

輝 時烙 世仁 世詳 世理

車 昂 車應期 車士安 士甯

士宇 士宙 士寵

信士梅 梁梅材 世輅 世宗

世奇 世敬 應春 首春 得

春 劉倫 劉傑 劉佳 慶祥

瑞祥 元祥 高祥 詹湖

南陵縣志 卷四十六 金石 六十八

詹 沅 詹 沛 大用 大勝 王廷

金 廷 玉 廷 滿 有勝 有志

有喜 汪大傑 俞秉勤 施應坊

應瑞 蔣世攀 蔣世元 劉意 沈

宗武 蔣世文 凌宗祥 程國文 俞

□ 王世能 吳思 □ 吳良枝

涇川李貴祥拾兩 信官王良臣 兩六 信士翟

寶三兩 信士沈繼瑞 兩二 生員吳之懋三兩

翟敞一兩 謝教一兩 章簡二兩 章 □ □ □

唐文泮 六錢 鄭輪二兩 翟 □ 三錢 沈 □

南陵縣志 卷四十六 金石 六十九

三錢 楊院二錢 王學一兩 童昂八錢 □

□ 一兩 湯石峯五兩 湯雲峯三兩 王文五

錢

大明萬曆戊申歲冬月吉日 涇上俞季濟刻

臨濟正傳大明勅建南海普陀山 □ 海禪

寺賜紫師祖大智禪師賜紫師公 □ □ □

師師靜虛長老後建永慶庵住山 □ □ □

海亮同師弟海仁海容海明徒寂應寂 □

寂德

道友無念 明如 樂菴 照眞 照月

師弟海慈

右碑在下東鄉高六尺六寸五分廣三尺二寸三

十七行除擡頭每行八十三字字徑六分下方左

角作塔形題名七行行十六字字徑四分並正書

額題重建工山碑記六字橫列雙鉤篆書徑三寸

萬曆三十六年立

明儒學建櫺星門並丹墀碑記

儒學建櫺星門並丹墀碑記

賜進士第翰林院編修莆田黃仲昭撰 邑人福建

興化府知府陳效 河南夏邑縣知縣張鉞

篆額書丹

南陵縣志 卷四十六 金石 七十一

吾夫子之道猶天然何也萬物不能逃乎天則亦

豈能外吾夫子之道哉道也者即天之理而具于

人心著而爲父子君臣長幼朋友之倫散而爲百

骸九竅萬事萬物之則皆是理也然天能賦是理

於人而不能使人皆率是理以行於是吾夫子出

而繼天立極以示萬世之法然亦不過隨事而著

是理之當然使人皆知而由之耳夫豈有他道哉

故人之措於行者循吾夫子之道是即順乎天也

順天則有餘慶焉所謂惠迪吉者是已措於行者

不循吾夫子之道是即逆乎天矣逆天則有餘殃

焉所謂從逆凶者是已故曰萬物不能逃乎天而亦不能外夫子之道也南陵縣學 櫺星門舊樹以木而屢壞成化乙巳教諭南海何君昌欲求貞木易之今興化郡守陳公志學其邑人也時以戶部主事丁外艱家居告之曰邑西門義民張氏兄弟昭字斯明弟曰昕字斯晨皆輕財重義前次蓋嘗捐貲助修學之費矣若勸其以石代木宜無不從者遂以書抵張氏言其故斯明兄弟皆慨然曰吾席先世遺貲足以供公上之賦而具衣食天之所以私吾者侈矣今幸因斯舉而用其贏豈非吾

職之所當爲者乎於是命工伐石於山不數月告成所費幾白金未幾監察御史王公景和奉

命清理戎政行部詣學見而義之旣又以大成殿丹墀敞陋弗稱復召斯明斯晨至而諭之曰汝兄弟能從陳公之言旣新 櫺星門矣今更能從我之言修飭丹墀俾爾門稱乎兩人即稽首應命退而取甃于陶不數月復告成所費又白金至是則廟學之制旣備且飭而邑之秀民來遊于學睹門牆之俊偉豈無思聖道之巍巍高大而動高山仰止之心者乎履丹墀之宏敞又豈無思聖道之蕩蕩廣

遠而興景行行止之念者乎則斯役也不徒有稱聖朝崇儒重道之盛典其於教導亦不爲無所助也陳公於政務之暇嘗以語仲昭俾爲之記且曰張氏之成是役業已二十載矣今斯明之子統爲湖廣按察司幕佐孫繳鑪鎬皆食公廩于學斯晨之孫鉅領弘治戊午鄉薦昭竊惟吾夫子之答子貢謂富而無驕不若好禮爲至此聖門處富之道即天理之當然也張氏兄弟所以樂成是役而無所靳者惟知循吾夫子之道而已豈有所覬望於天哉而餘慶之鍾有不期然而然者此可見吾夫子之

道與天無間而人不能有一事之或違也仲昭因陳公之請記故詳論之以著張氏之好禮篤義且以告邑之學者使有所感而興焉 邑庠生龔希夔書

弘治甲子春仲撰 萬曆辛亥秋仲穀旦重立

南陵縣知縣張敏 教諭謝公選 訓導王

廷鈞 周棟 縣丞陳堅 主簿林一夔

典史徐世憲 生員張 會 張維瑚 張

大川 張大業 張茂卿 張大□ 張大

岳 張漢卿 張質孚 張維峻 張大山

張蓋卿 張大頤 張大法 張大恕

張應宿 耆民張 倬 張維竣 張維昊

張 佈 張維壇 張大資同立

右碑在文廟禮門外高五尺四寸四分廣二尺九寸四分二十四行除擡頭每行四十九字正書徑一寸萬歷三十九年立